


გაზეთის ფასი

გაზეთი: ერთი წლით — ექვსი მან., ნახევარი წლით — სამი მან., სამი თვით — ერთი მან. და ხუთმეტო შაური, ერთი თვით — სამი აბაზი.

წერილები ამ აღრესით უნდა გამოგზავნონ: ВЪ Тифлисъ, въ редакцію газеты „ДРОБНА“.



ხელის-მოწერა
თქონისში: გაზეთის „დროებას“ წარმოებში
ქუთაისში: ანტ. ლორთქიფანიძის ბიბლიოთეკაში.

რედაქცია: ძველი ინსტიტუტის ქუჩაზედ. სოლომონ მირიანოვის სახლებში.
ქანდაკა: იუნკერის ბიბლიოთეკაში, სასახლის მეიდანზე, შაბუროვის სახლებში.

შ ი ნ ა ა რ ს ი:

ს ა ქ ა რ თ ე ლ ო : სა-აღდგომო — წვრილი ამ-
ამბები — „დროების“ კორექსორდენცია: ქუ-
თაისიდან — რ უ ს ე თ ი: წვრილი ამბები — უც-
ხო ქვეყნები: საფრანგეთი — ესპანია — ინგლი-
სი — პორტუგალია — პარიზიდან — ნ ა რ ე ვ ი
ბ ა ნ ც ხ ა დ ე ბ ა ნ ი:

დღესასწაულების გამო შეიძლება ნო-
მერი გამოვა თორმეტ აპრილს.

საქართველო

სააღდგომო.

მივიდა მიწურულში დიდ-მარხვა, ეს მარხ-
ვათ მთავარი. მკრი დღე და რჩება აღდგო-
მამდი. მხოლოდ რამდენიმე ხანი კიდევ და
ჩვენ გვეღირსება მიულოცოთ ერთმან ერთს
ამბორებით: „ქრისტე აღდგა!“ პირველი
ქრისტიანებისათვის ეს დიდი სამნიშვნელო
და სანეტარო დღე იყო. ისინი ქრისტეს
აღდგომას უმზერდნენ სხვა თვალით, სხვა
გაძნობით და სხვა იმედით. მათთვის აღმდ-
გარი ქრისტე მოასწავებდა იმ სწავლის გა-
მარჯვებას, რომლის წარმომადგენელი იყო
დიდებული მათი მოძღვარი.

ქრისტიანები არ ეკუთვნოდნენ მაშინდელ
საზოგადოებას. ისინი ძველი ცხოვრების
წესს: მონაობას, გარყენილობას, უთანას-
წორობას, ძალადობას ეწინააღმდეგებდნენ და თავ-
გამომეტებულად ებრძოდნენ. თავის ახალს
სჯულსა და შეურყეველს სასოებას გარდა
იმათ არავითარი იარაღი არა ჰქონდათ.
შველა ეს ახლად მოქცეული ქრისტიანები
უბრალო ხალხი იყვნენ. ისინი არ იყვნენ
სიმდიარის, პატრონი იმთ არ სჭერიათ უმაღლე
სი ადგილები საზოგადოებაში, როგორც მათს
მოწინააღმდეგებს. ამასთანავე, მათი რიც-
ხის სიმცირეს სრულიად უიმედო უნდა
გაეხადა ისინი ყოველივე ბრძოლაზე წარმო-
უდგენელად უძლიერეს მტერთან. მაგრამ კა-
ცი აღჭურვილი ქვეშაირების აზრებით და-
უმარცხებელია: ის სძლევს ყოველს გარემოე-
ბას, ყოველს დაბრკოლებას, თუ წინააღმდე-
გობა ენერგია და მტკიცე პატიოსანი მიზა-
ნი გაიკეთა.

სხვა და სხვა დაჩაგრული და დამონებუ-
ლი ხალხის მაგალითები ნათლად გვიჩვენებ-
ს, თუ რის მოქმედია თავის სიმართლენზე
დარწმუნება და გამარჯვების იმედი. ამის-
თანა შემთხვევებს ათასობით ვიპოვებთ ჩვენ
კერძო პირების ცხოვრებაშიც:

ისეთი საწამლავე არ არის, რომლის სა-
წინააღმდეგოც არ მოიხატებოდეს, მაგრამ
ამას გამოცნობა უნდა. აღდგომა ქრის-
ტიანი ნიშნავს თავის რწმუნების, თავის სი-
ცოცხლის და სასოების გამარჯვებას. ცხადი
უნდა იყოს, რომ ქრისტიანი, ნამეტურ

პირველს საუკუნოებში, საცა შეხედებოდა
მეორეს თავის თანამგზავნებს, სიხარუ-
ლითა და აღტაცებით საესე მიადგებდა
„ქრისტე აღდგა“. და მათგან წარმოიქმულს
ამ სიტყვებს ღრმა აზრიც ჰქონდა.



აღდგომა გვითვინდება, გაზაფხული დიდი
ხანია უნდა დამდგარიყო ამ ჩვენს კეთილ
პაივანს ქვეყანაში, მაგრამ წრევენდელია. ტა-
როსმა საქმე გავიჭირა...

თქვენი მტერია, რამდენი საპატიო კაცი
ამ დაუბლოცებელმა და სასტიკმა ზამთარმა
შეაშინა. ზოგიერთი სასო-წარკვეთილებას
მიეცენ, ჰფიქრობენ, რომ ეს სულ იმ
კარბადინის ბრალია, რომლის გამოცვლამ
ისე გამოაცხვეტინა ყურები ჩვენს საზოგადო-
ებას. „საქართველოს განათლება, მისი გა-
რევა ევროპიელ ხალხის დასში უთუოდ
გარეგანი ნიშნებით უნდა დაიწყოს; აი
იმისთვის ჯერ ჩვენ მოგვევლინა სუსხანა, სას-
ტიკი ზამთარი, და შემდეგისათვის კიდევ
სხვა რამეებსაც დაეინახეთო“, დარბაისლუ-
რათ მეუბნებოდა ერთი ნაცნობი კაცი.
— „მართალია“ — შეეკადრე — „განათლება
გარეგანი ნიშნებით იწყება, მაგრამ ბუნების
მოვლინებანი კაცთ ხელში არ არის, და მა-
შა სადამე წლივენდელი ზამთრის საქართვე-
ლოს გადასხვაფერებასთან შეკავშირებაც უსა-
ფუძელო გახლავს“ მეთქი.

ამაზედ დარბაისელმა ჩემმა ნაცნობმა
ისეთი საუბრელიანი დამტკიცებნი წარმო-
მიდგინა, რომ ზამთარი სწორეთ ახალი
ცხოვრებაში შესვლის დასაწყისია ჩვენთვის,
რომ კინაღამ დავეთანხმე. ამ
დროს ბიჭმა — აშენოს ლმერთმა მისი ოჯა-
ხი — გაზეთი შემომიტანა. შიგ წაეკითხე,
რომ მეტროპის თვალს ქვეყნებშიც, მაგა-
ლითებრ იტალიაში, დიდი ზამთარი არისო
და თითონ მეზუეის მთა — მეზუეის მთა, მოწ-
ყალენო ხელმწიფენო, მოფარულია თოვლი-
თაო. იქაც ხომ სასტიკი ზამთრის გავლენის
შიში არ არი, მაგრამ ხედავთ რა ამბებია
მეთქი, ეუბასუხე ჩემს მომუსაიფებს. შემდეგ
ჩვენ გადავიდით სხვა საგნებზედ:

W.

წვრილი ამბები

— მორიდგან სწერენ გაზეთს „კავკასს“,
რომ ახალციხიდან ბორჯომამდის ქვეყრი-
ლი გზის გაკეთება გარდაწყვეტილიაო. მუ-
შაობა ამ წელსვე უნდა დაიწყოს და სამი
წლის განმავლობაში უნდა გათავდესო.
ხარჯათ დანიშნულია 300 ათასი მანეთი:
მეყრილი გზების გამარჯვება ძალიან სა-
ჭიროა და სასიამო ჩვენთვის, მაგრამ კიდევ
უფრო სასიამო ის არის, რომ ეს გზა ისე
უნდა გააკეთონო, რომ რკინის გზისათვის
საც გამოსადგვი იყოსო. პორტუგალიაში
ამბობს, რომ ამ მომავალი რკინის გზის
პროექტი, როგორც შეეიტყვე, ძალიან კარ-
გად არის შედგენილი, ასე რომ თითო

ვერსტი 39 ათას მანეთად თუ დაჯდება, მეტი
არაო. ცხრა-მუხიდან (მინაილოვი) ბორ-
ჯომამდის მტკვარზედ მარტო ორი დიდი
ხიდი იქნებაო.

— იმავე გაზეთს სწერენ ბიჭვინტის მავ-
რიდან, რომ სოფ. შრინცხს ერთი ვერსტის
სიგრძე და თითქმის ნახევარი ვერსტის სი-
განე ზღვის კიდე ჩაქცეულა და დამსკდარა.
მიწის ნაბძარი განით ზოგან ერთი ალაბი
იქნება და ზოგან ალაბ ნახევარი და ამოე-
სებულიაო წყლით, რომელიც ზღვისაკენ
მიდისო. უთუოდ მიწას ქვეშ ტბა ყოფილა.

— „საოფლო გაზეთს“ შეუტყვია, რომ
მიწიეში თითქმის მთელი სოფლის აზაშენის
საგლეხო მამულები ერთს ეპტარს ჩაუ-
გდია ხელში. მთელს საქართველოში
ძალიან გასშირებულა, რომ ადგილ-მამუ-
ლი, როგორც თავდაზნაურობის ისე გლე-
ხობის, ეპტარების ხელში გადადის. თუ ეს
თავდატყრით და სხვა ღონისძიებით (სასოფ-
ლო ბანკების, სამეურნო შკოლების გაკე-
თებით) არ შეეჩერეთ, ერთ მშვენიერ დღეს
ჩვენს თავა გადატყებულად დაეინახეთ და
ჩვენს სამციდრო მამულებს — ეპტარების და
ფულით მიაღარი უცხო ქვეყნელების ხელში.

— იმავე გაზეთს გაუგონია, რომ ს. შილ-
დას ბანკის გაკეთებას აპირებენ ა.

— იმავე გაზეთისთვის უამბიათ, რომ თერ-
გის ხეობაში თემს სამიოდ წლის წინათ
გარდაუწყვეტია, რომ დღეის ამს იქით ძვე-
ლებური ტირილი აღარ უნდა იყოსო. მაგ-
რამ ამას კი არ გაატყობინებს გაზეთი, ას-
რულეს ეს თავისი გადაწყვეტილება, თუ
არა. რაც უნდა იყოს, ეს ამბავი სწორედ
სამაგალითოა და ძალიან უნდა გვეკვირდეს,
რომ ჩვენი თავად აზნაურება ჯერ ვერ მი-
ხედარა ამას.

— ამ თვის ოცდა ერთი მდისის მასხე-
ბელ-შემნახველს კასას დაუწყია თავისი
ოპერაციები. გაზეთები გვატყობინებენ,
რომ ამ კასაში ჯერ ჯერობით ას ოცდა
ათი წევრი და ორი ათას ხუთასი მანეთი
თავნი არისო.

— ხ. რება დღეს თვისისში თითქმის დი-
ლიდამ დაღამებამდის სულ ითოვა. მთები
მეორე დღესაც მზის გადახრამდის თოვლით
დაფარული იყვნენ. მკითხველებმა იციან,
რომ ამ გვარი ზამთრის მსგავსი გაზაფხული
მარტო ჩვენ არ გვეწევია. ასე რომ არ ყო-
ფილიყო, უთუოდ ძალიან გული დაგწყდ-
ბოდა.

„დროების“ კორექსორდენცია

ქუთაისი, 20 მარტი 1874 წ.

ბი რა გავიგონე მე დღეს ერთის ჩემის
ნაცნობის-გან:

ამ თვის 19-ს, ქუთაისში, სახელმწიფო სახლ-
ში, იყო რჩევა ქუთაისის სამოქალაქო დე-
პუტატებისა. რადგანაც ეს რჩევა ბევრის
მხრით შესანიშნავი დარჩა და ჩემზედ დიდი
შთაბეჭდილება იქონია, მე მსურს განუზიან-
რო სხვებსაც ის ამბავი, რაც მოხდა ამ
რჩევაში და რისაც მომლოდინე, სწო-
რე მოგახსენოთ, არ ვიყავი. პირველათ რო-
ცა შევედი ზალაში, საშინლათ გამოაცა იმ
შემთხვევამ, რომ აქ თავი მოეყარათ, დეპუ-
ტატების სარჩევათ, უმეტეს ნაწილს ქალა-
ქის მცხოვრებლებს და არა იმ პირებს,
რომელთაგანაც მოველოდით, რომ ქალაქის
სასარგებლოთ იტყოდნენ რასმე, ესე იგი
უფალი ჩინოვნიკები სრულებით თითქმის არ
იყვნენ, სადღაც მიმალოულ-მომალულ-იყვნენ.

მაგრამ ამ ხალხმა იმისთანა ენერ-
გიული ძალა გამოიჩინა, რომ თით-
ქმის ყველანი კარში გამოაქვლას აპირებ-
დნენ და ცოტა გაწყდა კენჭი აღარა ჰყარეს.
მიზეზი ამისი იყო შემდეგი: რადგანაც კანო-
ნის ძალით პირველათ, კენჭის ყრამდის, ქა-
ლაქმა თავის საჭიროებაზედ უნდა ილაპარა-
კოს, ამისთვის ერთმა წევრთაგანმა, ესე იგი
თ. ანტონ ლორთქიფანიძემ, განაცხადა წი-
ნაშე პრედსედატელისა საზოგადოების სურ-
ვილი, რომ ჯერ თავის საჭიროებაზედ უნ-
და მოვილაპარაკოთ და მერმე კენჭი ვჰყა-
როთო. ამასზედ პრედსედატელმა ბძანა, რომ
ჯერ კენჭი ჰყარეთ და მერე საჭიროებაზედ
ილაპარაკეთო. შემდეგ; როდესაც უფალმა
ლორთქიფანიძემ განიმეორა თავისი თხოვ-
ნა, მაშინ პრედსედატელმა უბძანა ლორთქი-
ფანიძეს, დასწეროს ქალაქზედ რაზედ სურს
მას მოლაპარაკება. ანტონ ლორთქიფანი-
ძემ აიღო ქალაქი და დასწერა საგანი, რომ-
მელზედაც უნდა ყოფილიყო მოლაპარაკება.
ეს საგანი იყო: რაში მდგომარეობს მოვა-
ლეობა დეპუტატებისა წინაშე იმ პირთა და
ქალაქისა, რომელნიც ირჩევენ მათ? პრედ-
სედატელმა რომ წაიკითხა ეს საგანი, გაცი-
ნა, ეს რადგან იყო მანა არ იციან ამათ,
რა მოვალეობა აქვსთ დეპუტატებს და რის-
თვის ირჩევენ მათ, ამასზედ რაღა მოლაპარა-
კება უნდაო. იცით? მიუბრუნდა ანტონ
ლორთქიფანიძემ ხალხს, რა მოვალეობა
აქვსთ დეპუტატებს თქვენ წინაშე? არა! არა!
არა! ერთ ხმათ შეძახა ყველამ. დეპუტატე-
ბი არიან, დაიწყო ანტონ ლორთქიფანიძემ,
ჩვენი, ესე იგი ქალაქის მოურავები, და ჩვენ
(მოქალაქეები) მათი ბატონები. ჩვენ ჩაება-
რეთ მათ ჩვენი ქალაქის შემოსავალი და
გასავალი. მხლა ჩვენ ანგარიში უნდა მოგე-
ცენ იმათ, რა დავერჩა ჩვენ და ან რაში მოი-
ხმარეს მათ ქალაქის შემოსავალი. მინამ
ესენი (დეპუტატები) არ მოგვეცემენ ჩვენ
ქალაქის ანგარიშს, ჩვენ ახალს არავის არ
ამოვირჩევთ, იმიტომ რომ ჩვენ გვეუბნე-



ბიან, თქვენ ახალი მოურაგები ამოიჩინეთ და ეს ძველი მოურაგები თქვენს ახალ მოურაგებს ანგარიშს მიცემენო. ბიან ეს საფუძვლიანი და კანონიერი თქმა არის? სთქვა პეტრონ ლორთქიფანიძემ: საკვირველია, ჩვენ შემოსავალზედ მოურაგები ერთმანეთს ანგარიშს აძლევენ და ჩვენ კი არა ფერი არ ვიციტოთ. ამის შემდეგ პრედსედატელი მანც თავის აზრზედ დადგა და ბიანა ჯერ კენჭის ყრა. პეტრონ ლორთქიფანიძე წამოდგა და თქვა: მე ჩემის მხრით ამ პირობით კენჭის ყრა არა მსურსო და გამოიწია კარებისაკენ. იმას გაჰყვა ერთად მთელი დეპუტატობა და მისძახილი: თუ შენ არ გინდა, არც ჩვენ გინდა! შემდეგ, როგორც იყო, ისევ იმაზედ გადაწყვიტეს, რომ ჯერ კენჭი ჰყარონ და შემდეგ საჭიროებზედ მოილაპარაკონ. დიწყრო კენჭის ყრა. მართებელმა დეპუტატთა ამოიჩინეს პეტრონ ლორთქიფანიძე (200 კენჭისგან 172 თეთრი მოუვიდა და 28 შავი კენჭი) შევლამ იქვე მიულოცა. ამბობენ, რომ ეს დარჩება დეპუტატთა; მაგრამ ვინ იცის! ამას გარდა კიდევ არის სამი დეპუტატის კანდიდატი. იქნება იმათგან იქნეს ვინმე, ვნახოთ.

შემდგომ ამისა იქვე შევიტყე, რომ მუთაისის ქალაქს ჰქონია თითქმის 80,000 მანეთის შემოსავალი. ეს რომ გავიგე, საშინლათ გამიკვირდა, ვამბობდი ჩემ გუნებაში: შეხედე მუთაისის რა რიგათ ტიროდა, რომ არაფერი არა მაქვსო, დავიღუბეო, დავგლახაკლიო! განა 80,000 მანეთი შემოსავალი სიგლახაკის ნიშანია? მართი მითხარით, ვიძახდი ჩემ გუნებაში: ბევრ ქალაქს აქვს რუსეთში ამისთანა შემოსავალი? მაგრამ, არა. მე ვიცი მუთაისში ზოგიერთი ურიები, რომელნიც მისდევში დაგლეჯილი და წუწინი ახალუხით დღიან და დაწინააღმდეგებენ, მაგრამ შეძლებით კი მილოიონს აღარა უკლიათრა. სწორეთ მუთაისსაც ამითგან მიუღია მაგალითი. როგორ არ სცხევენ იან ქალაქს მეთქი, ვიძახდი ჩემ გუნებაში, 80,000 მანეთი შემოსავალი აქვს და თითონ კი ტალახში და ქაობშია. ძაცო ტროტურაზედ შეშით ვერ გაივლის, რომ ფეხი არ მოიტეხოს. არა, რისთვის უნდა, ნეტავი ვიცილდე, ამდენი შემოსავალი, რატომ არ მოიხმარს, როგორც რიგია? ამებს რომ ეფიქრობდი, ერთ ჩემ მეგობარს წააწყდი. რას ფიქრობ? მკითხა იმან. მე უთხარი საგანი ჩემის ფიქრებისა. ჰერი ჰაა! ბაციენებით მითხრა იმან. ამ სიტყვამ გამაშტერა. რას გაშტერებულხარო, მითხრა კიდევ ჩემმა მეგობარმა, ძაო, შენ გიკვირს 80,000 მანეთი შემოსავალი? შე დალოცვილო ისიც იკითხე, გასავალი რამდენია. აბა პატარახანს მოითმინე. გავიგე, რომ ქალაქს ვალიცა აქვსო, და თითონ მიბრუნდა იქ, საცა კენჭის ყრა იყო, და დაიწყო ერთ ძველ დეპუტატთან ლაპარაკი. მე ბევრი ვინანე ამის შემდეგ, რომ მუთაისის ვესაყედურებოდი, და უცებ გამომეცვალა აზრი. ამასთანავე შევიტყე, რომ ვითომ მუთაისის ქალაქი ხარჯადღეს რაღაც სხვა და სხვა საჭიროებებზედ წელიწადში 28,000 მანეთს. შე დალოცვილო ქუთაისო, თუ კი სხვა და სხვა საჭიროებისთვის 28,000 მანეთს ხარჯავ, არ გირჩევიან, ჯერ ტალახიანი ქუჩები გააკეთო, ბულვარი ამოწმინდო, რომ ბაყაყებმა მოსვენება მოგვეცენ, ტროტურარი გააკეთო, რომ კაცმა ფეხები არ მოიმტვიროს? ამასობაში კენჭის ყრაც გათავდა. საზოგადოებამ სთხოვა პრედსედატელს, რომ გუბერნატორის წარუდგინოს შემდეგი საჭიროება ქალაქისა 1) როგორც სჩანს, ქალაქი აძლევს ჯამაგირს 1,200 მანეთს ერთს ცალკე

დაქირავებულს ადვოკატს, და რადგანაც ჩვენთვის ადვოკატი საჭირო არ არისო და ადვოკატის სახელი გააგონათაც გვეჯავრებაო, გთხოვთ, რომ ის ადვოკატი დღეს იქვე ქალაქს სარჯზედ ნულარ იქნებაო. (2) მოგვეცეს შენა, რომ ქალაქის ქუჩები ჩვენვე გავაკეთოთო, რადგანაც უთალიბოდ რიადიკი იღებს 5,000 მანეთს და 500 მანეთისას აზრს უკეთებო. პრედსედატელი შეპირდა, რომ წარადგენს მათს თხოვნას გუბერნატორთან.

დამიტრი თუმანიოვი.

### რუსეთი

— „მოსკოვის უწყებები“ გვაცნობენ, რომ ამ წლის განმავლობაში ან მომავალი წლის დამდეგს ჩრდილოეთს სიმბირზედ ახალი სამაჯულოების წესდება უნდა განეცხლონ. მომრიგებელი მოსაპაროლებები იქაც მმართველობისაგან დანიშნული უნდა იქნენ, რაც არც დასავლეთი რუსეთის გუბერნიებში და ჩვენშია.

— სახალხო განათლების სამინისტროში შეუდგენიათ უნივერსიტეტებს ახალი წესდება. ეს ახალი წესდება ძველისაგან იმ სტატიებით განსხვავდება, რომელიც მასწავლებლების უნივერსიტეტებში მიზიდვას, ცალიერი კათედრების დაქვრას და სტუდენტების შრომის მომეტებას შეეხებაო.

— პეტერბურღში გამოუცვლიათ ახლად გამოგონებული სტამბის ამწყობი მაშინის, მუშაობა, რომელიც ძლიერ კარგი გამოიდეგარა. თუ მართლა ეს მაშინა ისე კარგია, რომ არა ვითარი დაბრკოლება არ შეგვხვდებოდეს გაერცვლებში, ძლიერ დიდი ხელის გამოყობი იქნება მწიგნობრობისათვის.

— მათ რუსს ტენოლოგს გამოუგონია ბალახებისაგან ქალაღის კეთება. ეს ქალაღი თურმე არაფრით არ დაუყარდება ბამბისა და ტილოს ქალაღს. ეს გამოგონება შეგვეწვეა არა თუ მარტო მწიგნობრობის გაერცვლებში, ეს ბერეს სხვა და სხვა აეთუყოფობას შეამკირებს. მინ იცის, რამდენი აეთუყოფობა ჩნდებოდა აქამდის ძველი დამაღლი ტილოსა და ბამბეულის ნფლებების გადატან-გადმოტანით და იმათგან საქალაღდე ცომის მზადებაში.

— ბაზეთა „პეტერბურღის უწყებები“ აი რას ამბობს ახალი სამხედრო წესდების გავლენაზედ: „უიქველი იყო, რომ ახალი სამხედრო წესდების გამოცემის შემდეგ წინანდელზედ უფრო წარმატება მიეცემოდა ხალხში წერა-კითხვის გაერცვლებას. ეს იმედი ეხლა ცოტ-ცოტად გვისრულდება, რამდენათაც შეგვიტყვია კორრესპონდენციებისაგან. აი რას სწერს ლუბოჩსარის სახალხო სასწავლებელის მზრუნველი პეტერბურღის წერა-კითხვის გამერცვლებელს კამიტეტს: ხუთი წელიწადია, რაც ლუბოჩსარის ქალაქში სახალხო სასწავლებელი არსებობს; მაგრამ ამ უკანასკნელ დრომდის ვერასფრით ვერ დაეჯერე გლეხები, რომ იმათ თავიანთი შეიღები შკოლაში სასწავლებელად გავგზავნათ. მოაწველეთ რიცხვი ძლიერ-ძლიერობით სამოცამდის ავიდა, და აქედანაც ნახევარი ეკკლესიებში მოსამსახურეთა და სალ-

დათების შეიღები იყენებო. აქ გვარავე მდგომარეობაში იყენენ სხვა ამ ქალაქის მახლობლად მდებარე სოფლების შკოლები. მთელს ზამთარში თხუთმეტი ყმაწვილი თუ დადიოდა თითო შკოლაში, დიდი იქნება. მაგრამ რა რომ ახალი სამხედრო კანონები გამოიცა, შკოლის მდგომარეობა შეიცვალა: ეხლა თხუთმეტის მ-გიერ სამოცდა ათამდე მოსწავლე იკრიბება თითოეულს შკოლაში და ლუბოჩსარისაში ოთხმოცდა ათი. ამას გარდა მრავალი ატყობინებს შკოლის უფროსებს, რომ ამ ცოტას ხანში ჩემს შეიღს შკოლაში გამოვგზავნიო.“

### უცხო ქვეყნები

საზარანგეთი.

საფრანგეთის ნაციონალურ ძრებას სულ ერთი და იგივე საჩუბარი და საშფოთო საქმე აქვს. „რესპუბლიკა, თუ მონარხია? ხალხის თავისუფლების დარსება, თუ რომელიმე პრინციპისათვის ფეშქაშად მირთმევა საფრანგეთისა,“ აი სიგანი ჩხუბისა.

„რაპელში“ დაბეჭდილია ახალი ძალედონიღან წიგნი რომჭარის მდგომარეობაზედ. იწერებინ, რომ რომჭარის ბევრი მეგობარი და ნაცნობი შეხედა კუშმულზედ, მასავით დასჯილი მმართველობის გან. სხვათა შორის მან ნახა პასკალ ბრუსეს, თავის თანამშრომელი „მარსელიკაში“. ბრუსესემ იმ წამს უთავაზა რომჭარის ნახევარი ალაგი მიწისგან გაკეთებულს ქოხში. იქ სხვა შენობა არ არის. მაგრამ ერთი საწყენი საქმე მოხდა: როდესაც დასჯილების სიას კითხულობდენ, იმ დროს თურმე რომჭარი არ დასწრებია იქ. მეორე დღეს მოვიდა ორი სალდათი, მივიდა ბრუსესთან და სთქვა ერთმა იმათგანმა: „როჭარი“ წამოღით ჩვენთან. თქვენ უნდა დაჯღეთ საპრობილეში, რადგანაც გუშინ სიის კითხვაზედ არ გამოცხადდით“ ბრუსესე ძალიან აღელვა თურმე ამ კაცების ხმამ და პირ და პირ გამოსთქვა თავის აზრი ამ ნაირ უსინიღისო საქციელზე, რომლისთვის ისიც ოთხი დღით ჩასვეს სატუსაღოში.

მინც წინეთ იცნობდა რომჭარს, ამბობენ, რომ ის ისეთივე მახელი გონებისა და გასაოცარ ჭკვიანად დარჩენილა. მაგრამ ტანჯვას, რომელიც ყოველთვის შეკავშირებულია დაქვრასთან, ავადმყოფობას და თავის შეიღების მოშორების მწუხარებას დაუწინაოთ მის სახეზედ დიდი განსაცდელის ნიშანი. თბა გათვთრებია, თქალები, რომელიც წინეთ საკვირვად ელვარებდენ, დღეს დამალულან და კიდევ უფრო ჩავარდნილან. რომჭარი მხოლოდ მაშინაა საცნობი, როცა ლაპარაკობს. მაშინ კი ის ისევ ცხოველდება და ემზავება უწინდელს „ლანტერნის“ რედქტორს.

ბონაპარტის განხეთები ძალიან ლანძღავდენ მონუტებულს ბიზოს, იმისთვის რომ ნაპოლეონის ქებაზედ არ დათანხმდა მლივიეს წარმოსათქმელ სააკადემიო სიტყვაში. ისინი ამბობდენ, რომ ბიზო წყალობით არის ავსებული იმპერატორისგან და ეხლა უმადურობით იხდისო. ბიზოს შეიღისთვის კი, მართალია, ეჩუქებია ნაპოლეონს 40,000 ფრანკი, მაგრამ ეს მაგას დღემდის არ სცოდნებია. მაგოთ თუ არა ეს სსიარცხო საქმე, ბიზომ მაშინვე გაგზავნა ბანკში 90,000

ფრანკი, რომელიც შეადგენდა იმ დღიდგან თავისაც და სარგებელს. ბიზომ სთხოვა: ბანკს, რომელს ფულს ბილეთი გავგზავნოს ნაპოლეონის ქვრის, იმპერატორცა მეგვიანას. შეიღს კი ამის მეტი არა უთხრა რა: „გადავგვარდით ქეშმარიტათ.“

მსპანიია.

სერრანოს ჯარსა და ძარლისტებს შუა დაწყებული ომის ამბავი ჯერ არ ვიციტო გადაწყვეტილად. ღებეშა კი გვაცნობებს, რომ რესპუბლიკის ჯარს ძალიან შეუფიწროებია ღონ ძარლოის არმია. მაგრამ სრულს გამარჯვებას კი არ იწერებია.

ბარიბალდის წიგნი მოხვლია ამას წინეთ, ძა:ტელარისგან, რომლითაც სთხოვდა ამ დაუღალავხალხის თავისუფლების დამცველს მსპანიიაში მისვლას. ბარიბალდის საღმე საომრად გამგზავრება იმას ნიშნავს, რომ ორმოცო, ორმოცდა ათი დარჩეული სიმხნისა და პატიონების მეომარიც გაჰყებოდა. მაგრამ სერრანოს ისეთი პირობები ჩაერთო ამ თხოვნაში, რომ ბარიბალდი უარი შეუთვალა.

ინგლისი

ზლად ჭოანის სამინისტროს გამოცელისათანავე გამოიცვალა თეატრის ცენზურის უფროსებიც. მაშინ თეატრის იჯარადარებმა ითხოვეს ახ.ლს მმართველობასთან, რომ მათ მიცემოდათ ნება იმ პიესების წარმოდგენისა, რომელიც წინეთ აღკრძალული იყო, როგორც საზოგადო ზნეობის შემავინებელი.

თეატრის მთავრობამ უარი უთხრა ამ თხოვნას. შესანიშნავია, რომ ინგლისში ცენზურა მარტო თეატრშია დარჩენილი. იქ შეიძლება უსასტიკესად ილაპარაკოთ ყოველ საქმეზედ, ყოველ მოვლინებაზედ, ილაპარაკოთ მთელს სახელმწიფო წყობილებაზედ, თვით უპირველესს პირზედ სახელმწიფოში, ინგლისის დედოფალზედ, და ამისთვის არ დაგვჯიან. მაგრამ საცა თეატრში ისეთი სიტყვები იქნება წარმოთქმული რომელიც სასიარცხო გასაგონია ახალგაზდა ქალისთვის, ამას კი დვენის საზოგადოება და უნიშნავს დარაჯს.

### ნარკვი

— საფრანგეთსა და ინგლისს შუა ზღვას ქვეშ დიდი გვირაბი უნდა გააკეთონ და იმაში რკინის გზა უნდა გაიყვანონ. ბვირაბი სიგძით ოცდა თოთხმეტი ვერსტი იქნება და ცეცხლის-ვტილი საფრანგეთიდგან ინგლისამდის ნახევარს საათს მივა. გამოუწავარი შებიათ, რომ ამ საკვირველი გზის გაკეთებას ხუთი წელიწადი მოუწდება და სამოცამილიონი მანეთი თეთრი ფული. წელიწადში შეიდ მილიონს ნალდ შემოსავალს ელიან.

— მით უბრალო აესტრალიელ მუშას მიუფნია ერთი წამლისათვის. ის გვირჩევს რომ ვისაც ყყვი სჭირს, იმან ერთ შუათანა სტაქანს წყალში ოთხი წვეთი გოგირდის წყალი უნდა გაურიონ და დალიონო. მამა წვილებს უფრო ნაკლები უნდა ასეთო (ზოგირდის წყალი აფთიქვაში ისყიდება



— ბორნეოს კუნძულზე (ინდოეთის მახლობლად) ერთი გვირგვინი უბო-  
 ეით, რომლის მსგავსი თურმე სხვა მახ-  
 ლობელ კუნძულებზეც და სამხრეთს ამე-  
 რიკაშიაც არის. ეს ცხოველები კაცსავე  
 არი ფეხით დადიან თურმე და სიმალით  
 ერთ ალაბ ნახევარი იქნებიანო. ისინი არა-  
 ეთარს სადგურს არ იშენებენო, ოჯახობა  
 არ იციან, ცალ-ცალკე ცხოვრობენ, ძინავე  
 კლდის ქვაბებში და ხეებზე, სჭამენო გვე-  
 ლებს, მწერებს, ტინტელის კვერცხებს და ხან-  
 დისხან ერთმანერთსაც. არც მოშინაუბრა-  
 და არც სამუშაოდ იმათი მოხმარება შეუძ-  
 ლებელიაო. ისეთი ხმაურობა და ყვირილი  
 თურმე სულ კაცის ლაპარაკსა ვაგს და სახე  
 სულ კაცისას ემზგავსება თურმე, ერთი სიტ-  
 ყვეთ პატარა ველურა კაცები არიანო.

— მართა იტალიელი, ძანტარინი, მისუ-  
 ლა ლიმის ქალაქში (პერუს რესპუბლიკაში,  
 ამერიკაში) და თან 200 მამდგირალი თუთი-  
 ყუმები მუყუანია. რამდენიმე წელიწადია  
 თურმე, რომ ეს კაცი ასწავლის ამ თუთი-  
 ყუმებს და როგორც იქნა უსწავლებია მათ-  
 თვის ორი ოპერა „სომხანებულა“ და „ნორ-  
 მა“. ამ მფრინველების წარმოსადგენად გა-  
 კეთებული აქვს თურმე პატარა თეატრული  
 სცენა შესაფერი დეკორაციებით. მითოე-  
 ული თუთიყუში მშვენიერად ასრულებდა  
 თავის როლს. მითონ ძანტარინი თუთიყუ-  
 შების სიმღერას ფორტეპიანოს თამაშს აყო-  
 ლებდა. ამბობენ, რომ პირველი წარმოდ-  
 გენა ძლიერ მოეწონათო. ძანტარინი თავის  
 მომდგირალებით თურმე მერობაში გამოგ-  
 ზაერებას ეპირება.

— ამას წინათ ნაპოლონ მესამის დროს  
 პარიჟში ერთი ამერიკელი ბანკირი მოსუ-  
 ლა და დაუნახეს, რომ ევროპეელები ორ-  
 დენებსა და ვარსკვლავებს იკიდებენ, თი-  
 თონაც დიდი უშველებელი ვარსკვლავი გაე-  
 კეთებინა, ბრილიანტებითა და მარგალიტე-  
 ბით შემკული, და გულზედ მიეკერა და  
 ამასთან წითელი ღვალარებიანი ცისფერა  
 ლენტე მხარლივ გადგედა და ამგვარად  
 სასახლეში ბალზედ დასწრება. ნაპოლონს  
 შეეწინა ეს საკვირველი სამკაული, მისუ-  
 ლიყო და ეკითხა:

მართა ეს მიბრძანეთ, რომელი წმინდის  
 ორდენია ეს თქვენი ორდენი?

„ეს ორდენი, თქვენო დიდებულებავ, ჩე-  
 მი საკუთარი ღირსებისა და პატივის ორდენ-  
 ნია! უპასუხა თურმე ამყმა ამერიკელმა.“

მართ პოლშელ ინჟინერს გამოუგონია  
 თოფი, რომელიც 15 სექუნდს 15 ჯერ გა-  
 ვარდებდა. იმას მიუწოდებია საფრანგეთის  
 მმართველობისთვის თავის გამოგონება.

ლონდონში ერთი ახირებული პროცესის  
 ატყდა. მართ თეატრში ორი აქტრისა იყო,  
 და თითოეულს ამთავანს თავის მომხრე  
 და თაყვანის მკემლები გაჩენოდათ. ეს პარ-  
 ტიები ძალიან ემტერებოდნენ თურმე ერთ-  
 მანეთსა და ბოლოს მკობარი ქალებიც  
 კი წასხმებეს ერთი მეორეს!

შური და მტერობა თან და თან ძლიერ-  
 დებოდა. უკანასკნელად ერთმა პარტიამ  
 მოისყიდა თორმეტოდე კაცი და ყოველ  
 წარმოდგენაზედ დასამდა სხვა დასხვა ალაგს  
 თეატრში. მამოვიდოდა თუ არა სცე-  
 ნაზედ მათი საძულველი მომდგირალი ქალი,  
 მაშინვე ერთი სტეენა და შუშ-ს ძახილი

შეუკნებოდა. მართხელ საბრალო აქტრისა  
 ატირებული გაიქცა სცენიდან ამ ნაირი გა-  
 ლანდებისგამო. ბოლოს დროს მეორე პარ-  
 ტიამ შეიტყო და ამ ნაირი საჩივარი შეატა-  
 ნინა დაჩაგრულს აქტრისას მოსამართლე-  
 სთან; „მე ჩემის ხელობითა ლუკის შოე-  
 ნის საშუალებას მისპობენ და გთხოვთ დამ-  
 ნაშავეებსა ზღვევინათ ზარალიო.“ მოსამართ-  
 ლემ მიიღო ეს საჩივარი, გამოიხმო მოწმე-  
 ბი და საქმე წარმოებაშია.

ბიდე მეორე ახირებული საქმე. მოსა-  
 მართლეს გაურჩევია დუელის საქმე. მედლე-  
 ლე არიან ორი ყმაწვილი, ერთი თოთხმე-  
 ტის წლისა და მეორე თორმეტისა.

დამნაშავეთ სკამზედ იჯდა ჯეროლდ მო-  
 რის ბერნ, რომელსაც აბრალებდნენ თავის  
 თორმეტი წლის ამხანაგის დაჭრას დუ-  
 ელში.

შაწვილები არიან შკოლის შავირდები.  
 ამ შკოლაში გასაცრადა გახსნილი თურ-  
 მე თავის პატივის დაცვა და კაცობრივი ღირ-  
 სების დაუმცირებლობის მიმართულება. დუ-  
 ელის მიზეზით ჰყოფილიყო ერთი რალაც  
 უმგზავსო მხატვრობა, რომელიც დაეხატა  
 სიგრევეს ბერნზედ. ეს უკანასკნელი გაჯაე-  
 რებული ამბავდ, დაეხია მხატვრობა და  
 თორმეტის წლის მხატვარი ამხანაგი გამოე-  
 ხმო „დასაზავებლად იარაღით“. სიგრევი  
 გაჰყოლოდა და სექუნდანტებთ ჰყოფი-  
 ლან ორი ათ ათი წლის ბავშვები. მართა ამა-  
 განი კიდევაც გამოცდილა ჰყოფილა ამ გეარ  
 საქმეებში.

წინააღმდეგებს იარაღთ ტამბაჩა უხმარიათ.  
 დუელში ბერნს დაუჭრია სიგრევი, მაგრამ  
 მსუბუქათ.

სანტერესო საყურებელი იყო თურმე  
 ეს პროცესი. ზალა საზოგადოებით გაიქე-  
 და აღრიდნენ. დამნაშავეთ ალაგას ზის  
 თოთხმეტი წლის ბრალდებული. მოწმეების  
 ლოქაში სხედან ბავშვები, რომელთაც დი-  
 დი კმაყოფილება ეტყობათ სახეზედ, რომ  
 იმათ როგორც დიდებს ისე ვაყრბობიან. მეო-  
 რეს მხრით ბრძანად დამხდარი მოსამართ-  
 ლეები, თავის მანტიებში გახვეული და პა-  
 რიკებით და აქით საზოგადოება, რომელიც  
 სიცილს ძლივ იკავებს. მცირე წლოვანი მოწ-  
 მები დიდის ღირსებით და სიმშვიდით აჩე-  
 ნებდნენ, როგორც იყო საქმე. მოსამართ-  
 ლის კითხვაზედ აი რას ამბობს ერთი ათი  
 წლის ბავშვი: „ჩვენ ყველას გვესმოდა, რომ  
 ჩხუბი უნდა გათავებულიყო ისე, როგორც  
 შეფერის ჯენტლმენებს. (საპატიო კაცებს.)  
 წინააღმდეგები 16 ნაბიჯზედ იყვნენ დაყე-  
 ნებული, საგანგებოთ ამ შემთხვევისთვის  
 ჩასმული პალოების ძირს. ტამბაჩები  
 გავარდა ნიშნებისა თანავე სექუნდანტისგან.  
 „მართა“, „ორი“, „სამიო“ რომ დიდხანა სე-  
 კუნდანტმა და გააქნა ხელსახოცი, მაშინ  
 ორივე მოპირდაპირემ ერთ დროს ესრო-  
 ლეს ერთმანეთს. შევლაფერი წესიერად და  
 თანხმად პატიოსნებისა მოვახდინეთ ჩვენ.“

ნაფიცმა მოსამართლეებმა გაამართლეს მე-  
 დლელები და ჩეველებსამებრ ინგლისისა  
 მსაჯულთ-უხუცესმა მცირე მამობრივი და-  
 რიგება მისცა გამართლებულს, მაგრამ ერთი  
 სიტყვაც არ წამოსცდენია იმაზედ, რომ ამის-  
 თანა საქმე, ნამეტურ ბავშვებისგან, სასა-  
 ცილო და სამწუხაროა.

დღემდის ახალი დაბერობილი პროცენ-  
 ციებდამ პრუსიის ხელმწიფის სამახურში  
 ერთი კაცის მეტი არ შესულა. 30  
 მარტს პრუსიის მემკვიდრეს მიეღო ძარლ  
 ჭინდელი, რომელიც თარჯიმნ-თ წასულა

ჩინეთში, მსპირეელია თურმე ალზას ლორ-  
 რენიდგან იმპერატორის სამსახურში.

— ამ ახლო ხანში გამოჩენილმა მოჭად-  
 რაკემ როზენტალმა მიიწვია პარიჟელი და  
 უცხო ქვეყნელი ჭადრაკის მოყვარული კა-  
 ცები, რომ იმათ ეყურებინათ იმისა და ოც-  
 და შეიდი სხვა მოჭადრაკის თამაშისათვის.  
 მაყურებლები სამასამდის შეკრებილან. რო-  
 ზენტალი ერთსა და იმავე დროს ოცდა  
 შეიდი კაცს ეთამაშებოდა. მამში გაგრძე-  
 ლებულა საღამოს ცხრა საათიდან შულა-  
 მის ორ საათამდის. მითოეულს მოპირდა-  
 პირესთან როზენტალს ოცდა თხუთმეტი  
 გამოსვლა ჰქონდა თურმე, ანუ ყველა მო-  
 თამაშესთან ცხრას ორმოცდა ხუთი გამო-  
 სვლა ხუთი საათის განმავლობაში, ესე  
 გი თითო წამში სამი კაცის გამოსვლას  
 უპასუხებდა. ოცდა ექვსისათვის მოუგია  
 როზენტალს თამაში და ერთთან, ენგრიელ  
 რაკოესკისთან, წაუგია.

კორპუსპონდენცია.

პ რ ი ე, 17 მარტს 1874.

სან-კლერ-დევილმა სწორეთ კუდიანივით  
 იწინასწარმეტყველა: ამას წინათ ვაჟოცხანდა,  
 რომ ამ თვის ცხრიდამ ვიდრე ცამეტამდი  
 თოვლი და ცუდი ტაროსი იქნებო და შემ-  
 დგე კი ისევე კარგი დღეები დადგებო. მარ-  
 თლაც, იმ ხუთი დღის განმავლობაში თოვ-  
 ლი, სიცივე და აედარი არ შეწყყარებულა.  
 მისაც თბილი ტანისამოსი და შეშისთვის  
 ფული არ მოეძიოდათ, ეს მარტში ზამთრის  
 დაწყება არაფრად ებიტნაეთ, მაგრამ რას იქ,  
 ბუნების კანონს სად წაუხვალ!

მის მაგივრად ეხლა მშვენიერი, მოწმენ-  
 დილი, უღრუბლო ცა აფარია პ რ ი ე ს. ჰე-  
 რი ტუბილი, თბილი, მსუბუქი. ბაღებში  
 მცენარები კუჭურის გამოღებას იწყებენ.  
 მერსალისაკენ მინდერები მწვანდებიან. მრ-  
 თი სიტყვით, გახაფხულის სუნმა მოჰპერა.

მაგრამ რამდენათაც ეს ბუნებითი ცა საფ-  
 რანგეთისა მოწმენდილი და წყნარაა, იმდე-  
 ნათ იმის „პოლიტიკურა ცა“ აღლევებული  
 და შვი ღრუბლებით მოფენილია.

მართ ამ ღრუბელთაგანი, რომელიც ეხ-  
 ლანდელ მმართველობას ტყუილათ აწვეს  
 გულზე, ის კითხვაა, რომელიც ლეკერმა  
 და მამბუტამ ხეალ უნდა შეიტანონ ნაციო-  
 ნალურ პრებაში ბროპლის ცირკულიარის  
 თაობაზე. შექველად მმართველობის შინა-  
 გან პოლიტიკაზე ჩამოვარდება ლაპარაკი.  
 მამბუტას პარტიას ჰურს ამ შემთხვევით  
 ისარგებლას, ეხლანდელი სამინისტრო ჩა-  
 მოგდას და მის ნაცვლად რამდენსამე ტიე-  
 რის მომხრე (მარცხენა ცენტრის) წევრს  
 შეარგვევინოს თავი სამინისტროში.

იციო, რაში მდგომარეობს ეხლა მამბუტას  
 პოლიტიკური იდეალი? იმაში, რომ მკ-მა-  
 ჰონის ნაცვლად რესპუბლიკის პრეზიდენ-  
 ტად ტიერი დასვას და სამინისტროში მარ-  
 ცხენა ცენტრის წევრები. ეს ჯერ-  
 ჯერობით. შენდევნი მისი განზრახვა კი,  
 რასაკვირველია, ის არის, რომ მმართველო-  
 ბის აღიერი თვითონვე ჩაიგდას ხელში.

შველა იმის მოქმედებას, ანუ უკეთ  
 ესთქვათ, უმოქმედობას, ყველა იმის სიტ-  
 ყვას, ანუ კიდევ უკეთ ესთქვათ, სიჩუმეს—  
 ეს განზრახვა ატყვია.

შურადღების ღარიბა, მართლა, ეხლანდელი  
 ძრების რესპუბლიკური პარტიის მოქმედება  
 ამ პარტიას თითქო ეშანიოთ თუეს ნამდვი-  
 ლი პრინციპებს და აზრების ასწავლად გა-  
 მოთქმა. მითქო ცდილობს, რომ პრებაში  
 არ შენიშონ ის; ისე იქცევა, თითქო ნამ-  
 დელი მგელი იყოს და უნდოდეს, რომ  
 მგლობის სახელი არ დაუფარდეს; თითქო  
 ხალხს ეშინოდეს იმისი. ნუ ეუბნებით მგათ  
 ნურც პრინციპების სიმტკიცეზე, ნურც აზ-  
 რების შეუცვლელიობაზე, ნურც ერთხელ  
 გაკვლეული გზით სვლაზე! აზრებს იცელი-  
 ან, დღემდი რომ მარცხნივ მიდიოდნენ,  
 დღეს მარჯვნივ იწვიენ; გუშინ რომელიმე  
 მონარხიელის მამაკედავი მტერი იყვნენ,  
 დღეს, ხედავ, ისევე მონარხიელი ცამდი აყავთ,  
 თავის წრეში ჩაუთელიათ; თან და თან უთ-  
 მობენ მონარხიელებსა თავის უფწმინდეს  
 რწმუნებებს და მოთხოვნილებებს, დღითი-  
 დღე ურიგდებიან იმ აზრებს და იმ მოქ-  
 მედებებს, რომელნიც რესპუბლიკას აენებენ;  
 თან და თან კონსერვატორების ტყაეში  
 ძვრებიან.

— რარ იქცევით ასეო? რომ ჰკითხოთ  
 რომელსამე მამბეტის მომხრე რესპუბლი-  
 კელს, ის გიპასუხებთ:

— ამას პოლიტიკური ტაქტი თხოულობსო!  
 „პოლიტიკური ტაქტი“ — ამ ორი სიტ-  
 ყვაზეა ეხლა მამბეტა გაგიტებული. ამ ორი  
 სიტყვისაგან მოვლის ის საფრანგეთისა და  
 რესპუბლიკის შევლას.

ამ დღეებში ერთმა ახალგაზდა რესპუბ-  
 ლიებელმა — იე მიომ — ერთი პატარა ბრო-  
 შურა გამოსცა, რომელიც სწორეთ ამ თეა-  
 ლით უყურებს ეხლანდელი ნაციონალური  
 ძრების რესპუბლიკურ პარტიას და პირდა-  
 პირ ეუბნება იმათ, რომ „ახალგაზდა საფ-  
 რანგეთს“ თქვენზე თითქმის სრულად დაწ-  
 მენდილი აქვს იმედიო.

მაგრამ, რაც უნდა იყოს, ახლო მომავა-  
 ლი საფრანგეთისა მაინც მამბეტას პარტიის  
 რესპუბლიკელებს ეკუთვნის!...

ბონაპარტელებს გაუთენდათ ის დღე,  
 რომელსაც ახე მოუთმენელად მოელოდნენ  
 და რომლისთვისაც დიდის ვაი-უშველებლო-  
 ბით ემზადებოდნენ: გუშინ 16 მარტი იყო;  
 ნაპოლონ მესამის ვაჟი სრულწლოვანი  
 შეიქნა; ბონაპარტელებს ტახტის მემკვიდ-  
 რე მზათა ჰყავთ: ნაპოლონ IV მზათ არის;  
 ეხლა ერთი რამ აკლიათ მხოლოდ: ტახტი.  
 — ზღვა საშინელად აღლევებული არისო,  
 ამბობდა გუშინ-წინ პრინცი ნაპოლონის გა-  
 ზეთი, რომელსაც საფრანგეთის ტახტი თა-  
 ვის პატრონისთვის უნდა.

— ამისთანა წყნარი, მშვიდობიანი ზღვა  
 თავის დღეში კაცს არ უნახავსო, ამბობდა  
 ნაპოლონის პირდაპირი მემკვიდრის ვაჟეთი.

— ჩისლჰურსტში მხოლოდ ორი ათასმა კაც-  
 მა მოიყარა თავი სრულწლოვანის მოსალო-  
 ცავათო, ამბობს ერთი.

— ჩისლჰურსტის და ლონდონის სასტუმ-  
 როებში თავისუფალი ოთახი აღარ არის:  
 ყველა საფრანგეთის ყველა კუთხიდან მო-  
 სულებით არის დაჭერილიო, ამბობს მეორე.

როგორც მოსალოდნელი იყო, ახლად  
 გამოჩეკილმა 19 წლის სრულწლოვანმა  
 ნაპოლონმა, რასაკვირველია, სიტყვა უთ-  
 ხრა იმათ, ვინც იმის მოსალოცავად მივიდ-  
 ნენ.

„იმპერატორის მეფობა საზოგადო სიკე-  
 თის სამსახური იყო, სთქვა თავის მამაზე  
 მემკვიდრემ, იმის უკანასკნელი დღე რაინ-  
 დობით სავსე იყო... იმპერატორისაგან  
 შეტყობილი მაქვს, თუ რა ძნელი ვალდე-



ბუღბუა უზენაისი უფლების მიღება, მგ-რამ თუ ხალხი მოითხოვს, მე დავემორჩილები იმის სურვილს და ვიკისრებ, როგორც შემოძლია, ამ მძიმე ტვირთისაო...

საწყალო! მოსვენებას არ აძლევენ! საფრანგეთის ხალხი ყელზე ეხვევ, ეხვევება: მოდი, შენი ჭირიმე, კისერზე დამაჯექიო! ამას კი არ უნდა, მაგრამ რა ქნას, ძალა-უნებურად უნდა დათანხმდეს! მებრალეა...

ამ თვის 25-ს შესრულდება ოცდა ხუთი წელიწადი მას აქეთ, რაც იტალიის მეფე, მიქტორ მამანუელი, ტახტზე ავიდა. იტალიის გაზეთები, ჩვეულებისამებრ, მოგლოდნენ, რომ ამ დღის სახსოვრად მმართველობა, უეჭველია, ამნისტიას გამოცემს და პოლიტიკურ დამნაშავეებს აპატიებს. ამის თაობაზე იტალიის „მთავრობის გაზეთში“ შემდეგი სიტყვებია დაბეჭდილი:

„ამნისტიის (პატიების) მანიფესტის გამოცემას ნურავინ მოელის იმ უბრალო მიზეზის გამო, რომ ესაა იტალიაში არც ერთი კაცი არ არის დასჯილი, დამწყვდეული და სამშობლოდამ გაგდებული პოლიტიკური დამნაშაულისთვის.“

მიქტორ ჰიუგოს უკანასკნელი რომანი გუშინ წინ აქ მერვე გამოცემა გამოვიდა.

დღეს საღამოს ერთს აქაურ საზოგადოებაში ერთი პროფესორი ლექციას კითხულობს, რომლის საგნად იქნება: „შეღარება ქართველი, პარსიელი და პროვანსელი ქალისა“.

შემდეგ წერილში მოგწერთ: რასაც იტყვის პარსიელი პროფესორი ქართველ ქალზე!

პარიზი, 24 მარტი 1874 წ.

წასულ წერილში გწერდით, რომ ხელომერსალის კრებაში ამგები მოხდება—მეთქი. მხლა თქვენ თვალ წინ გექნებათ ამ სხლო-

მის ანგარიშა და ის მშვენიერა. მჭვერეტეველური და პოლიტიკურა ტაქტიით საცესიტყვა, რომელიც რესპუბლიკური პარტიის მხრით გამბეჭტას მეგობარბა—შალმელ-ლაკურმა—წარმოაქვს წასულ ოთხშაბათს.

მართალი გითხრათ, ძალიან გულით მანდოდა ამ სხლომაზე დასწრება, და ყველაფერი საშუალება ვიხარებ, რომ როგორმეთავე შემერგო სხლომის ხალაში, მაგრამ ამაოდ: ვერც ჩემმა „უცხო ქვეყნის პუბლიკისტი“ სახელმა, ვერც „რედაქტორან-შეჭის“ კარტოჩკამ, ვერც ნაციონალმა და მეგობრებმა ვერა მიშველესრა. ხალა გავეხუთიყო, აღარავინ არ უშეგბდნენ; და მე იძულებული შევიქენი იმის ქცერით დავემყოფოთლოცეყავ, თუ პარიზის სხვა და სხვა გაზეთების კორრესპონდენტები როგორ აგზავნიდნენ ყოველ მეოთხედ საათში, მტრედის ფოჩტით, პარიჟში ყველა ამბებს, რაც სხლომაზე ხდებოდა... მხოლოდ ხანდისხან გაფარდებოდა ჩვენს გროვებში ხმა:

— შალმელ-ლაკური ლპარაკობს!...  
— ბროსლომ დიწყია!  
— ქაზნოვ დე-პრადინმაც ილაპარაკაო. და სხე.

მითქმის ყველა გაზეთები ერთხმით აღიარებენ ესა, რომ ამ შალმელ-ლაკურის უკანასკნელი სიტყვისთანა ძლიერი და მოხერხებული სიტყვა დიდი ხანა არ წარმოთქმულა ნაციონალურა კრების ტრიბუნაზედ. მართლაც, შალმელ-ლაკურის პირით, გამბეჭტასპარტიამ პირ და პირი კითხვა მისცა მმართველობას: გამოაცხადეთ, ვინ ხართ, რა ხართ, რა მმართველობა ჰყავს საფრანგეთს რა არას მაკ-მაჰონის შეიდიწლის პრეზიდენტობა! ამ შეიდი წლის განმავლობაში ჩვენ ნამდვილი, შეურყეველი რესპუბლიკა გვექნება, თუ სხვა და სხვა მონარხიულ პარტიებს იმედი აქვთ, რომ დღეს ხელო ამ შამბორო; ან ბონპარტის დინასტია მოიწვიონ?

ამ რესპუბლიკელი პარტიის სიტყვებს ლეგიტიმის ქაზნოვ-დე-პრადინის სიტყვები დაერთო; ამან პირ და პირ გამოაცხადა; რომ „თუ საფრანგეთი შამბორის აპოირჩეყს თავის მეფედ, რასაკარგეულია, რომ მაკ-მაჰონი შეიდ წელიწადს არ აცდევინებს მისაო“.

როგორც ხედავთ, მმართველობა ისეთ მდგომარეობაში იყო დაყენებული, რომ პირდაპირ უნდა გამოცხადებინა: ამ შეიდი წლის განმავლობაში ყველა პარტიებს უნდა დარჩენოდა იმედი თავიანთი განზრახვების შესრულებისა, თუ რესპუბლიკური მმართველობა და მაკ-მაჰონის პრეზიდენტობა იქნებოდა.

მხლა თქვენ გაზეთებში იცით, რასაკვირველია, თუ რა შედეგი ჰქონდა ასე პირდაპირი კითხვის შიკვმას. გამბეჭტას გაზეთი აღრევე აცხადებდა, ჩვენ იმედი არა გვა-

ქვს, რომ როდისაც კენჭს ყრავ მე-საქმე, უმრავლესობა შეიდი მოთ და ხლონდელი სამინისტრო გადავადვადო; მაგრამ იმია იმედი კი გვაქვს, რომ ეს კითხვა გადაწყვეტილ პსუსს გამოაქვეყნებს ხლონდელ ჩვენ სამინისტროსაო.

მართლაც, კენჭის ყრით, მმართველობას 60 ხმის უმეტესობა ჰქონდა, მაგრამ მეორე დღესვე რესპუბლიკის პრეზიდენტი იძულებული იყო პირდაპირ გამოცხადებინა, რომ შეიდი წლის განმავლობაში მე ვიქნები სფრანგეთის რესპუბლიკის პრეზიდენტიო, შეიდი წლის განმავლობაში ყველა პარტიებისაგან დავიკავებ ამ უფლებას, რომელიც ნაციონალურ კრებამ მომანდოდა და სხე.“ მესამე დღეს მმართველობის ბოძანება გამოვიდა, რომლის ძალითაც პაღუას გერცოგი და ორი სხვა ბონპარტიელი შეერა, რომელიც ჩისლოპრტში იყენენ ნაპოლეონის შეილის სრულ წლოვანობის მისალოცავად, გადაყენებული იყენენ თავიანთ თანამდებობისაგან. ამას გარდა გუშინ სახლო განათლების მინისტრმა, ჟურტუმ, კიდევ გაიმეორა ის აზრი, რომ ნაციონალური კრების სურვილის აღსრულებას არაფერი არ აღუდგება წინაო, რა მინისტრებიც უნდა ყენდეს მაკ-მაჰონს, მანც ჩვენ რესპუბლიკა არ მოგვეშლება და შეიდი წლის განმავლობაში მაკ-მაჰონის პრეზიდენტობა დაამშვიდებს საზოგადო უთანხმოებასაო.

ამანიათა, საფრანგეთმა იცის ესა, რომ ამ შეიდი წლის განმავლობაში იმის ესლონდელი მმართველობის შეცვლა ძალდაუტანებლად შეუძლებელი იქნება, რომ პალოტის მარჯვენა მხარის სხვა და სხვა განზრახვებს ცოტა არ იყოს ურთობი მოეჭრათ, რომ, ერთის სიტყვით, იმას რესპუბლიკური მმართველობა ჰყავს.

როგორი რესპუბლიკური მმართველობა! აი, ეს კითხვა აწუხებდა ხლო ყველას.

მაგრამ რესპუბლიკური გაზეთები ამასაც ამბობენ: როგორიც უნდა იყოს ეს რესპუბლიკა, მანც რესპუბლიკა არისო; ერთი უმთავრესი უპირატესობათაგანი რესპუბლიკისა, სხვათა შორის, ის არაო, რომ ამ მმართველობის პირებს გამოცვლა და სახლოწიფოს გამგეთ უკეთესი პარების ამორჩევა ადვილად შეიძლებაო, მაშინ როდესაც ბურბონებისა და ნაპოლეონებისაგან განთავისუფლება ბეერს მსხვერპლს მოითხოვსო.

დღეს დილინდელ გაზეთებში დაბეჭდილია ერთი ძლიერ შესანიშნავი წინადადება, რომელიც ნაციონალური კრების წუხანდელ სხლომაში ოთხმოცდა სამ რესპუბლიკელ დეპუტატს წარუდგენიათ. ეს წინადადება თხოულობს, რომ ხლონდელი ნაციონალური ქრება დაიშალოს, 28 ივნისისთვის ახალი ამორჩევები იყოს დანიშნული და ამნირად ხლონდელა კრებამ 15 ინლისს 1874 ახლოდ ამორჩეულ კრებას ჩააბაროს უფლება აღვილად შევიდლიანთ წრამოიდგინოთ.

თუ რა მნიშვნელობა ჰქონდა რესპუბლიკის ბედისათვის ამ ახლონდელი უბირობა, უფერული კრების დათხოვნის და შესანიშნავი ჩეყას: ამ თვის 28-ს კრება დროებით დათხოვნილი იქნება მისის დამდგამდი და ამიტომ ამ შესანიშნავი წინადადებაზე ლაპარაკი, უეჭველია, მისამდის არ იქნება.


ს. მესხი.

### განცხადება

ნაფიცი ვეკილის თანა-შემწე მასილი ბიორგის ძე მ.ჩ ბელი კისრულობს კავკასიელი საქმეების ვეკილობას სხვა და სხვა სამმართველოებში და უმთავრესად სენატში, აგრეთვე სპრავების გაგზავნას. მითუელი სპრავისთვის უნდა გამოგზავნოთ ხუთი მანეთი.

ადრესი: ვხ. Петербургъ, Малая Садовая домъ № 8, кв. № 24.

ძონსულის ქუჩაზე, გენერალი პაგევის სახლოში, ღომბროვეკის სადგომში ისეიდება: შრედერის ფარტუბიანო—ორას მანეთად, ბუფეტი ნიგვის (კაკლი) ხისა—სამოცდაათ მანეთად და სხვა საოჯახო ნიეთეულობა და მებელო.



მაქვს პატივი განუცხადო საპატიო მთალოსის საზოგადოებას, რომ ჩემი მხეცთამაწყვედევი კიდე ცოტა ხანს დარჩება აქ მთელს აღდგომის კვირაში. შასი პირველის ადგილი იქნეს შაური, მეორეს ადგილისა—აბაზო, მესამისა—ორი შაური. შასი წვილებო (ათ წლოვანობამდის) პირველისა და მეორე ადგილის ბილეთში ნახევარს ფასს იხლიან.

მხეცების დაპურება არის: პირველად ოთხ საათხედ ნაშუადღევს და მეორედ საღამოს ექვს სათხედ.

მანესტ შეილ.

Table with multiple columns: 'დროება', 'სლოვათ-ფურცელი', 'თვილისი, 29 მარტი 1874 წ.', 'რკინის ზზა', 'ცეცხლის ბეგები', 'ფოფზა', 'ბიჩშა', 'თვილისის მაზანდა', 'სახაზინო განცხადებები'. It contains various numerical data and text entries.